

D E S C R I P T I O
S C L A V O N I Æ , C R O A T I Æ ,
B O S N I Æ , D A L M A T I Æ Q .

*Illyricum
Sclavonia
est late
sumta.*



Illyricum, aut ut aliis placet, Illyris, Sclavonia regio est, in oram maris Hadriatici, Italiae opposita. Hujus termini non ab omnibus iisdem limitibus circumscribuntur: Plinius enim hanc inter Arsiam & Titium flu-

vios constringit: Ptolemæus vero eam ab Histria ad Macedoniae usque confinia secundum maris littora producit, mediterranea ejus ad Pannonas & Mœsiam superiorem expandit. Multo ampliorem eam describit Pomponius Mela, & Dionysius Alexandrinus. Totam enim oram maris Hadriatici à Tergesto Ceraunios usque montes Illyriis adscribit, eosque ultra Danubium fluvium habitare docet: Danubium siquidem inter ejus flumina Mela numerat. Strabo quoque libro suæ Geographiæ septimo eos Macedonibus & Thracibus propinquos esse ait. Verum omnium latissime ejus fines extendit Appianus Alexandrinus. Sextus Rufus, qui vixit tempore Valentiniani Imperatoris, septemdecim provincias ei adscribit, Noricorum duas, Pannoniarum duas, Valeriam, Saviam, Dalmatiam, Mœsiam, Daciarum duas, Macedoniam, Thessaliam, Achajam, Epyros duas, Prævalim, & Cretam.

Termini.

Longitudo ab Arsia ad Drinum usque est mil. Italicorum 380. Aëre fruitur nonnullis locis puro ac salubri, quibusdam minus grato, qua paludes ac exhalationes foedæ eam inficiunt. Regio omnis, teste Strabone, aprica & amœna est, solum fertile, etiam vitiferum, nisi qua saxis & rupibus horret, aut ad Pannonias, ubi frigida est & nivalis. Florus de Illyriis scribit, primo bello Punico Illyrios populationibus non contentos, licentiæ scelus addidisse, legatos populi Romani jure agentes, non gladio, sed ut victimas securi percussisse; præfectos navium igni combussisse, idque, quod indignius foret, muliere imperante, quam ille Teutam vocatam scribit.

Oppida.

Sunt autem Illyridis sive Sclavoniae urbes potiores & oppida, Senia, vulgo Segna, sita ad mare in planitie; Iadera colonia, Liburnorum metropolis, hodie præcipua ac munitissima: Zara, vulgo Sebenicum oppidum, à Ptolemæo Sicum appellatum. In sinu spectatur Scardonico, in conspectu

Europæ Sept.

irrupentis freti ad montis radicem, ubi est arx. Agris superbit fecundis: sed male nunc coluntur ob Turcarum grassationes. Spalatum & Salona Ptolemæo & Straboni celebrata. Est etiam in ea Salona, Dalmatarum navale, quod quidem nunc parum colitur, ob Turcarum viciniam. Tragurium, hodie Trau, à continenti parvo euripo separatum: Epidaurus, urbs vetus, ad cujus ruinas Ragusium, vulgo Ragusi, Turcis Pobjroviča, urbs exigua cum arce munitissima: nobile hic emporium est, in quo Turciæ merces quaquaversum distrahuntur. Respublica optimis legibus constituta est, cives opulenti satis. Fluvios præcipuos Dravum habet & Savum, qui in Danubium se exonerant. Illyrici seu Sclavonici populi fere omnes ligneis habitant ædificiis, culmo instratis, præter paucas litorales urbes, in quibus humanius degitur.

Sclavonia, quam hæc tabula exhibet, Illyrici istius pars est, nisi forte dicamus eam Plinii esse, qui arctioribus eam limitibus constringit: continet Windorum Marchiam, & Zagabriensem Comitatum. Lingua utuntur incolæ Sclavonica, quæ nonnullis Windisch, apud Latinos Illyrica appellari putatur, hodieque omnium latissime patet, ut quæ à mari Adriatico ad Oceanum Septentrionalem extendi videatur: nam ea utuntur Istrii, Dalmatæ, Bosnenses, Moravi, Bohemi, Lusatii, Silesii, Poloni, Lithuani, Prutheni, Scandinaviae incolæ, & longe lateque imperantes Russi, Bulgari, multæque aliæ circumvicinæ regiones, Constantinopolin usque, adeo ut ejus etiam usus inter Turcas sit.

*Sclavonia
particula-
ris.*

De Sclavonia hac ita doctissimus Cluverius scribit in Introd. Geogr. lib. 4, cap. 3. Sclavoniae equidem nomine vulgo confusis Pannoniæ Illyricique limitibus, accipitur quicquid terrarum à Dravo amne ad Adriaticum mare protenditur. At proprie (nota) Sclavonia dicitur ea regio, quæ Dravum Savumque amnes interjacet, ab Occasu Stiria, ab Ortu Danubio clausa. Longitudo ejus est ab oppido Kopravit ad Dravi confluentem. mill. Germ. quinquaginta. Latitudo à Dravo ad Savum xli.

Termini.

Ad inferiorem Savi partem ultra Danubium protensi incolunt Rasci populi, Germ. die Ratzen. At totam hanc regionem aliquando Pannonii, mox Gothi tenuerunt; novissimi Sclavi, sive ii Sclavonii, qui ad hanc nostram ætatem manent. Hi quondam regnum in ea constituentes,

H h

postea